

歷代禹貢文獻集成

文清閣
編

西安地圖出版社



历代禹貢文獻目錄


卷次 页码

一 《禹貢集解》二卷宋傅寅撰清胡鳳丹校清同治八年刻金華叢書本	一
二 《禹貢說斷》四卷宋傅寅撰文淵閣四庫全書本	九一
三 《禹貢論》二卷後論一卷宋程大昌撰文淵閣四庫全書本	二一七
四 《禹貢山川地理圖》二卷後論一卷宋程大昌撰文淵閣四庫全書本	二七九
五 《禹貢指南》四卷宋毛晃撰文淵閣四庫全書本	三二九
六 《禹貢圖》一卷尙書禹貢圖說一卷明鄭曉撰明嘉靖四十三年書帶草廬刻本	三八一
七 《禹貢要注》一卷明鄭曉撰清光緒十年古虞朱氏刻朱墨套印本	四二九
八 《禹貢說長箋》一卷明鄭曉撰明抄本	四四七
九 《禹貢匯疏》十二卷明茅瑞徵撰明崇禎刻本	四六五
十 《禹貢古今合注》五卷明夏允彝撰明末刻本	七六三
一一 《禹貢備遺》二卷書法一卷明胡瓚撰清胡宗緒增注清初刻本	九二三
一二 《禹貢山川郡邑考》四卷明王鑒撰清抄本	九六三
一三 《禹貢圖注》一卷明艾南英撰清道光十一年六安晁氏木活字印學海類編本	一〇一七
一四 《禹貢譜》二卷清王澍撰清康熙四十六年積書岩刻本	一〇六三
一五 《禹貢臆參》二卷清楊陸榮撰清康熙乾隆刻楊潭西先生遺書本	一一〇五
一六 《禹貢方域考》一卷附北行草一卷清湯奕瑞撰清雍正十二年刻本	一一三三
一七 《禹貢匯覽》四卷總論一卷清夏之芳撰清乾隆積翠軒刻補修本	一一六一

- 一八《禹貢正義》三卷清曹爾成撰清乾隆刻本……………一二五三
- 一九《禹貢解》八卷清晏斯盛撰清乾隆新喻晏氏刻楚蒙山房集本……………一三一九
- 二〇《禹貢三江考》三卷清程瑤田撰清嘉慶刻通藝錄本……………一四六七
- 二一《禹貢水道析疑》二卷清張履元撰清道光五年味古齋刻本……………一五一一
- 二二《禹貢因》一卷清沈練撰清光緒十八年溧陽沈氏家塾刻本……………一五五七
- 二三《禹貢川澤攷》二卷清桂文燦撰一九四六年廣東利華印務局鉛印本……………一五七一
- 二四《禹貢正解》一卷圖表一卷清朱鎮撰清光緒三十年知止軒家塾刻本……………一六〇五
- 二五《禹貢便讀》二卷清吳墀匯注撰清道光七年刻本……………一六四一
- 二六《禹貢九江》三江考一卷清榮錫勛撰清末刻本……………一六六五
- 二七《禹貢今注》一卷清閻寶森撰清宣統三年鉛印本……………一六九三
- 二八《禹貢注解》一卷清姚明煒撰民國間武昌高等師範學校鉛印本……………一七一三
- 二九《禹貢正字》一卷清王筠撰清道光刻本……………一七三五
- 三〇《禹貢析疑》一卷清顧炳嶸撰清抄本……………一七四九
- 三一《禹貢節注便讀》一卷附禹貢總志一卷清朱麟書輯清嘉慶十六年木活字印本……………一七七三
- 三二《尚書地理今釋》一卷清蔣廷錫撰文淵閣四庫全書本……………一七九一
- 三三《禹貢班義述》三卷清成蓉鏡撰清光緒十四年廣雅書局刻本……………一八二三
- 三四《禹貢本義》一卷清楊守敬撰清光緒三十二年刻本……………一八六三
- 三五《禹貢長箋》十二卷清朱鶴齡撰文淵閣四庫全書本……………一八八九
- 三六《禹貢古今義案》一卷不著撰人清稿本……………二〇九九

三七《禹貢古今注通釋》六卷清侯楨撰清光緒六年侯復曾古杼秋館活字本	五——二二四三
三八《禹貢匯解》六卷首一卷清洪兆雲撰清光緒二十八年洪氏刻本	五——二二二五
三九《禹貢會箋》十二卷清徐文靖撰文淵閣四庫全書本	五——二三三九
四〇《禹貢集釋》三卷錐指正誤一卷清丁晏撰清同治山陽丁氏六藝堂刻本	五——二四七五
四一《禹貢今釋》二卷清芮日松撰清道光八年求是齋刻本	五——二五三五
四二《禹貢九州今地考》二卷清曾廉撰清光緒三十二年刻本	五——二五六九
四三《禹貢山水詩》九卷清崔啓晦撰清同治三年長沙刻本	六——二六〇三
四四《禹貢釋詁》一卷附文集摘刻一卷清孫喬年撰清道光五年天心閣刻本	六——二六四七
四五《禹貢說》二卷清魏源撰清同治六年方氏碧玲瓏館刻本	六——二六六九
四六《禹貢說》一卷清倪文蔚撰清光緒十四年刻皇清經解續編本	六——二七〇五
四七《禹貢通解》一卷清邵瑛撰清抄本	六——二七〇九
四八《禹貢易知錄》十二卷清李慎儒撰清光緒二十五年刻本	六——二七二一
四九《禹貢章句》四卷末清一卷清譚澧撰清同治九年譚氏家塾刻本	六——二八六三
五〇《禹貢正詮》四卷清姚彥渠撰清光緒十一年姚丙吉刻本	六——二九三五
五一《禹貢鄭氏略例》一卷清何秋濤撰清光緒十四年刻皇清經解續編本	六——二九七五
五二《禹貢鄭注釋》二卷清焦循撰清道光八年刻焦氏叢書本	六——二九八七
五三《禹貢注節讀》一卷圖說一卷清馬俊良撰清乾隆端溪書院刻本	六——三〇四一
五四《禹貢錐指》二十卷清胡渭撰文淵閣四庫全書本	七——三一〇一
五五《禹貢錐指導節要》一卷清汪彥石輯清咸丰三年家塾刻本	七——三七五七

繼山王先生禹貢註釋序



先民有言其為人多暇日則其過人不遠矣有味哉其言之乎夫士君子之志於遠大者其心常無逸故不見天下有可逸進陟巖廊則思流鴻樹駿而明習國事以登至理退處巖壑

序一

則思繼德往開來而闡哲微言以翊翼真此其中誠殷殷務務之胡能一日自暇逸也繼山先生其人焉先生家學淵源多所自得嗣文靖先生起而成進士先後陟丹署歷符臺而拜大鴻臚考鏡吏業經綸爛然其荐賢為

國興便為民之心未嘗一日不寘於懷以故先生之出處繫天下之望而

屬

聖天子之眷注歲己丑當老而傳懇疏乞骸骨

聖天子重其行遷太僕卿畫錦歸里

序二

第君子謂其優於二疏先生既歸余竊意其不負碧山將日容與於煙霞蒼翠間以尋遂初而先生不然也間嘗過從則先生兀兀坐齋中引槧提鉛參互考訂不啻經也生然叩之則註釋禹貢也余是以益嘆先生之心不

少暇夫禹貢之山川都邑舊矣古今沿革源流異同畧克究之學者群而習之岐中又岐誠不無亡羊之嘆先生嘗揭圖以示人猶慮未晷乃加註釋稽其沿革之由辨其異同之故條分類析俾山川都邑之勝一展卷而

序三

森列目前學者不決之疑自先生決之其功豈在蔡氏之下且先生遊過都越國歷覽良多觀其登泰山而見寥廓之清光觀鉤突而識地肺之真氣入武夷而觸活潑之真機其所登踐豈在幽深間哉仰而觀俯而察


莫不有真契於中焉而勤事筆研流於紀述皆其不自暇逸之心為之也先生所以大過人者有由哉有由哉書成命序於余余不佞倭敬書其所見先生者序之且志蠅驥之喜云

序四

萬曆庚寅上元日陸祥旭書於清慰齋

齋

錫山王鑑識



河水○自漢張騫使西域之後說者咸謂出崑崙之墟至元世祖始命其臣篤實西窮河源得其源於吐蕃朶思甘之南曰星宿海四山之間有泉近百泓匯而為澤登高望之若星宿然胡言所謂火敦腦兒也其地在中國西南直四川馬湖府之正西三千餘里雲南麗江府之西北一千五百里較之發源於崑崙者殆為近焉自西而東合諸國之水其流震大其色始

一卷

一

黃東北流分為九渡行二十餘日至大雲山名騰乞里塔又名亦耳麻不莫刺其山即崑崙也山海經曰西海之南流沙之濱赤水之後黑水之前有大山名崑崙河水繞崑崙南入天竺國西經罽賓國月支安息陀衛皮山諸國又東經于闐扞彌數十國又東經樓蘭城注于沕澤沕澤即蒲昌海也一名鹽澤又東過析支入塞由敦煌酒泉張掖郡歷大榆小榆北過隴西郡河關縣積石山禹導河積石自此始河關地理志謂漢宣帝神爵二年置河關縣蓋取河之關塞

之義即今陝西西寧衛地古鄯州也又東經河州金城蘭州古會州常精山靈州寧夏懷遠又北繞朔方上郡歷三受降城之南至廢雲內州東勝州始折而南過平泉村復轉而西流九十里至天橋子南流又南經河曲保德葭州吳堡河自鄯部以東合洮離湟諸次諸水而南又經呂梁山山扼河流禹鑿之所謂呂梁之石崇疎河流激盪震動天地者是也又南至永寧延長過平陽之吉州孟門山又南至河津出龍門口皆懸流萬仞飛沫千尋水勢險惡魚不能渡龍

一卷

二

門而下汾水從東來注之又南經朝邑蒲坂過雷首山又南至華陰潼關渭水從西來注之歷船司空與渭水合又自閼鄉折而東過河南陝縣北又東過三門山北曰人門中曰神門南曰鬼門蓋河勢自北而南鬼門之上水高一丈陡落峽中故三門中尤稱鬼門為險其石尤奇自千古來無計可登其上有員跡大于孟深似馬跡^土人云大禹馬跡所印又北岸石上鑿方穴數十云是禹架飛梁^者然水勢如此不知當時何以施斤斲之功前視正當底柱亦河中一山

其斷處近北岬挺生一石伶俜卓立隆上銳下狀若舞女土人謂之將軍柱云至開封之河陰懷慶之孟縣過孟津又東過洛陽鞏縣洛水南來注之又東過成皋北溫縣南濟水從北來注之又東過滎陽濟水溢為滎澤又東北至大名濬縣過大伾山下又北過真定冀州南宮濟水入焉又北至大陸播為九河同為逆河入于海蓋河自開封虎牢而上皆行於西山巖谷中與今無大異過虎牢而下始由平壤水悍出踈勢益奔放即桑欽所載屯氏河已非故道況自漢

一卷

三

迄今千有餘年河日南徙由泗入淮由淮入海與古全異矣若欲尋禹舊跡當自冀州過澤之後由衡水深越古所謂大陸之地然後入河間過獻靜等縣至天津以東播為九河又東為逆河由永平府南入于海耳今衛河經臨德滄景以達海是亦漢屯氏河旁流并衡水故道亦失之矣九河之說韋昭以碣石為証謂淪入海中百餘里不知何所據也

江水○發源于蜀郡氐道縣岷山氐道即成都之茂州古丹隴國也岷山一名焦汶山又謂之汶阜山隴山

之南首故稱隴蜀山在茂州之列鵝村其附曰羊膊江所出也南經汶川過彭縣天彭關兩峰對峙又謂之天彭門又南經原泉南東別為沱歷灌縣郫縣成都毀流金堂過犍為仁壽青衣水從西南來注之又東過資縣曆平岡龍山溪又東經富順又東北經榮昌綦江至巴郡江津宕渠水入焉宕渠水即潛水也又東過重慶鄧都長壽涪州忠州又東過萬縣雲陽太平夔州又東經永安宮南過諸葛壘又東經赤甲

一卷

四

西入廣溪峽廣溪乃三峽之首也又東過夔州巫山下巫峽與荆之西陵峽歸峽並稱三峽連山七百餘里畧無斷處自非亭午夜分不見日月兩峽對峙江流貫其中江水經巫峽後至巴東歸州之南又東經白狗峽空舂峽水奔流石磧險惡非空舟不可上又東經夷陵之黃牛峽峽上有山曰黃牛又東至西陵峽西陵峽即瞿唐峽也峽口有灩澦堆江始出峽又東至陸抗城經荆門之虎才山過夷道非夷水東北注之又東迴枝江江陵南歷公安宜都長楊松滋石首監利沔陽岳州之華容至九江沅水漸水无水

辰水淑永白水資水湘水東南未注之又東至巴陵及漢陽左經百人山南右經赤壁山北又東至大軍山小軍山南歷江夏西北汴漢水北未注之又東至武昌縣過樊口又東經黃州府之蘄州南歷廣濟黃梅至德化匯為彭蠡又東過湖口彭澤至豫章之地而水經不明言其所之豈古今水道之不同乎汴水注中水經言此為北汴汴為南江文亦不類余考地志又東至安慶之望江及古舒洲懷寧又東至池州之東流黃池歷李陽河梅根口銅陵大通河

一卷

五

口又東北至和松州梁山山瞰大江與南嶺博望山對峙如門亦謂之天門山又謂之東西梁山實大江關要又東北至太平之蕪湖又東北至采石磯昔人于磯采石臨流有磯故名牛渚山連采石最為險要備禦之地亦名燃犀浦又東北至金陵石頭城下東歷江浦六合瓜步儀真龍潭又東至京口過金焦與北固諸山又東經常州之靖江城枕大江中流袤六七十里孤山峙其上又東至廣陵通州海門島入于海考水經獨於汴水之下註為南江流至震澤入三江

在餘姚縣入海今餘姚越錢塘江而下無是理也想昔時南北不相通亦未親履其地耳

漢水○發源于隴西嶠冢山：在漢中府沔縣西有二十里即漢西縣地也漢水始出為漾水東至武都郡沮縣為漢水又東過武興山至沔縣東又東過白牢關歷漢中南鄭水經水合褒水北來注之為漢汴又東經城固南至洋縣有上濤下濤又東過漢山：距漢水又東經西鄉漢陰至金州北洵陽南又東至上津白河南經鄖陽狼子山又東南至均州武當縣水中

一卷

六

有滄浪洲故又為滄浪水又歷光化穀城非過方山至襄陽經蔡洲：在漢水中漢長水校尉蔡瑁居之故名洲大岸西有泗湖廣長數里云上洄下洄與蔡洲相對在峴山南又東南過宜城東承天之鍾祥縣西又東南歷荊門潛江景陵沔陽有三澨水南來江之又東至臨漳經沔陽故城過湖蓋山下又東至漢陽北瀨水自隋州東南流至涓口入焉又東至大別山是為漢口有鎖穴乃孫吳征黃祖：橫練銜拒之繁以大絙者又晉伐吳：於漢口山石險要處以鐵

鎖橫截之因名鎖穴又東過大別山並武昌江夏西與岷江合焉東滙澤為彭蠡東為北江既與大江合流似難再分禹貢之不可考者在此

滄浪水○蔡傳云武當縣北四十里漢水中有洲曰滄浪洲即滄浪也今襄陽府均州北四十里有滄浪水亦有滄浪洲即其地也又沔陽州城北有滄浪水乃屈原逢漁父處非禹貢之滄浪也

三澁水○發源于郢州長壽縣磨石山東南流長壽縣即今承天府鍾祥縣地國初之安陸州也水在今承

天府沔陽州景陵縣東南三十里左傳有句澁漳澁雍澁澁大率皆水遠地名即此水也源自安陸達景陵磨石山在京山縣西七十里相傳閔羽磨刀於此即澁水之所自出蔡傳謂至復州景陵縣界又名澁水疑即三澁之一景陵縣本漢江夏郡竟陵縣後周改置復州今有澁河在沔陽州治北流入漢陽府界無入漢之文不知澁水即澁河否也又有白雲三澁在景陵縣東南九十里未知孰是

淮水○發源于南陽平氏縣胎簪山東北過桐柏山即

今河南南陽府唐縣桐柏山也山在唐縣東南一百八十里東接隨州西接棗陽連亘數百里其支岡有大復山淮水潛流三十里出其下東經桐柏故城南汝寧之信陽北又東至確山羅山真陽仙居又東至息縣南過白公城又東至光山經浮光山北又東至光州故弋陽縣西經固始過期思故城北又東經鳳陽之潁州南霍丘北霍丘漢安豐地也又東至壽州即秦壽春邑經峽石山兩崖相對淮水貫其中禹鑿之始通舊跡猶存又東過懷遠至鳳陽府之三牛

城蓋郡介淮濠二水間多水患以石牛土屬鎮厭之又東經乘龍洲郡陽洲洲在淮水中又東經鏤鉅山自鍾離以西安豐以東豐肥濉潁濠汝諸水咸入焉又東至臨淮過荆山城歷五河泗州經盱眙之斗山山與都梁山連枕當長淮之險峻處又東過浮山山北臨淮水一名臨淮山山下有穴去水際一丈與淮水相浮沉故曰浮又東北經淮陰故城至淮安府山陽北清河南泗水沂水河水從北來注之又東至安東金城鎮入北東入于海禹時河水北行不赴淮

泗故經文止言泗沂此言河者據今時之水道也河
日南徙緣泗水入於淮因其道耳

濟水○發源於王屋山崖下初發源為洸水既見而伏
至河南懷慶府濟源縣西北三里復出為濟有二源
東源周迴七百步其深莫測西源週六百八十五步
其深一丈與東源合流至溫縣南並統公臺入於黃
河其水性下且勁過河之南溢而為滎河濁而濟清
也滎澤在今開封府滎澤縣西五里往東若斷若續
或伏或見而入於海今濟南府有大清河即濟水之

一

九

故道也俗呼謂之清濟自兗州府汶上縣東北流經
長清濟河歷城濟陽齊東武定青城濱州蒲臺利津
等處入海又小清河一名漂水即濟之南源其源發
於濟南府城西趵突泉與城中大明湖水合東北經
章丘卽平新城界入海禹時未有此後來水脉分散
故不同耳其發於趵突泉者蓋泰山之北與濟之東
南諸谷之水西北匯於黑水之灣又西北匯於柏崖
之灣至於黃山渭馬崖泊然而止伏流五十餘里至
濟南城西而出黃山在濟南府城西南六十里齊人

皆謂嘗有桑榆於黑水之灣者而見之於此其伏流
而出無疑也酈道元謂濟水當王莽時川瀆枯竭不
與昔同蔡沉謂今歷下凡發地皆是流水世謂濟水
經流其下然則今濟水伏流不見惟汶水由濟以入
海自元及今汶水又使之入會通河由河以達于
海矣古今水道不能一一盡合其大略可見者如此
王屋山在濟源西八十里禹貢註在河東郡垣曲縣
今考地志垣曲屬山西平陽府而王屋山又在山西
潞安府澤州陽城縣南蓋陽城與垣曲相隣俱在百

一

十

里之內故所屬不同耳東阿亦濟水所經取其井水
煮膠謂之阿膠用攪濁水則清人服之下隔疏痰蓋
其性趨下清而重故也

渭水○出隴西首陽縣南谷山山在鳥鼠山西北即今
臨洮府渭源縣本漢首陽縣地鳥鼠山一名雀山山
在縣南二十里泉初出周七八尺下流漸大統縣西
北一里許有橋跨其上曰渭橋又北過襄武縣北今
鞏昌府隴西縣本漢襄武縣又東過郿道縣南郿道
即今鞏昌府地秦屬隴西郡西漢屬天水郡東漢靈

帝時分南安郡治縣道有縣道廢城在府城東二十
五里府城西北九十里渭水經其下又東過興縣北
興縣即今伏羌縣本秦武公置為縣又東過
上邽縣北上邽即今秦州其地有邽山有上邽廢縣
在州境又過陳倉縣西今鳳翔府寶雞縣秦陳倉縣
也又東過岐山扶風縣南又東過郿縣北又東經武
功縣北即今西安府武功縣本古郿國秦孝公置又
東過藍屋縣北又東過槐里縣南槐里即今興平縣
有槐里城在焉本周太王地又東過咸陽縣南豐水

十一

從南來注之又東過高陵縣涇水從北來注之有渭
橋渡橋以舟濟因以渡名也又東過渭城縣南又東
過長安縣北長安即今西安府長安縣也秦孝公因
古地名曰長安渭城亦秦孝公所築在長安境內有
三橋跨渭水之上曰西渭東渭西渭橋在舊長安城
西漢武帝建跨渭水以通茂陵唐曰咸陽橋中渭橋
在府城西本名橫橋秦始皇王作離宮於渭南北渭水
貫都以象天漢橫橋南渡以法牽牛東渭橋在府城
東漢高祖建以通櫟陽之道又東過臨潼縣北又東

過渭南縣北東過鄭縣北鄭縣即華州地有古鄭城
在華州城北即鄭桓公封邑秦為縣今華州鄭縣故
城北亦有古渭橋在焉又東過華陰縣北戰國屬為
陰晉地漢置華陰縣又東至朝邑縣過漆沮入於河
地里志云渭水東至舩司空入河服虔曰縣名都官
三輔黃圖有舩庫官後改為縣今廢水經謂渭水至
華陰東至鄭縣又東至霜陵縣今考鄭縣即華州州
在華陰西五十里霜陵在西安府長安縣界內西去
華陰二百五十里先後相紊不知何所據也

一卷

十二

泗水○出魯卞縣北山卞縣即今兗州府泗水縣春秋
時魯卞邑漢置卞縣東南有陶墟有澤之際有阜
俗謂之嬌亭山連岡通阜長四十餘里泗水出其間
博物志謂泗水出陪尾山即斯阜也其源有四四泉
俱導因以為名泗水過卞縣北八里合流經魯縣北
魯縣即今之曲阜縣也北為洙南為泗夫子設教于
洙泗之間即此又西過瑕丘縣瑕丘即今兗州府附
郭滋陽縣也又從東南流過平陽高平至方輿縣東
方輿即今魚臺縣又東與沛水合于湖陵縣之穀庭

城下今湖陵有城在魚臺東六十里即昔之湖陵縣也又南過徐州沛縣東又東南過彭城縣東北彭城即今徐州周顒王時九鼎淪沒于泗秦時鼎氣浮于水上始皇使數千人浚水求之不獲謂之鼎伏又東經桓山亦名魁山山下有桓魁冢自為石櫛三年不成者又東南經亞父家樊勝墓東又東南過呂縣南即孔子觀呂梁處泗水之上有石梁焉故稱呂梁昔宋景公以子工之弓擊弧東射矢集彭城之東飲羽于石梁即斯梁也懸濤瀾濟實為泗嶮孔子所謂魚

一卷

十三

鯀不能道又云懸水三十仞流沫九十里又東南過下邳縣西即今淮安府邳州也經葛嶧山東沂水從州西來注之又東南歷宿遷桃源至淮陰入于淮今泗水由兗州府達濟寧州入會通河分南北流蓋因元時濬會通河以漕疏導七十二泉并汶泗諸水皆入于此非復故道矣

汾水○出太原府汾陽縣北管涔山汾陽即今之太原府嵐縣也其源有二一出靜樂縣北管涔山天池一出林溪山龍眼泉至支鍋石村合流至寧化西南流

經樓煩陽曲又南經太原清源大陵即今之文水縣又南至于平陶即今汾州之平遙縣又南至介休永安縣縣即今平陽府之霍州又南底靈石汾西趙城經洪洞岳陽岳陽漢之穀遠縣也又南經臨汾歷襄陵太平絳州稷山河津河津古皮氏縣又南至汾陰即榮河縣西南入于河

清漳○出上黨沾縣大屯谷即今山西太原府平定州樂平縣火山在在縣西南二十里一名沾嶺一名鹿谷山俗謂之章山又謂水出大要谷即大屯谷也北

一卷

流折西南入和順縣梁榆水和順即今路州府遼州和順縣亦沾縣地也又東過涉縣即今河南彰德府涉縣縣因漳水徙涉故名又東至武安縣南又東至林縣合漳村與濁漳水合

濁漳○出上黨長子縣鹿谷山即今山路安府長子縣發鳩山一名鹿谷山在縣西五十里東流過縣南五里名為濁漳又名為衡水又謂之橫水衡即古橫字又東北經府治西南三十里又東過壺關縣北又東過屯留縣北屯留又名純留春秋晉人執孫蒯於純

留是也又東至潞城縣西夏漳村與絳水合又東經
碯陽城北滄溪水入焉又東至襄垣西南甘村合沁
州漳河又至縣東北三十五里合武鄉漳河又西流
至黎城縣西南入河南鄆德府武安縣界至鄆縣西
即今林縣合漳村與清漳水合臨漳本古鄆縣地林
縣亦其地也漳水又東過列人縣南即今北直廣平
府肥鄉有列人故城在肥鄉縣列人堤上梁惠成王
八年伐邯鄲取列人即此又東北至斥漳縣南斥漳
即今威縣又東北過曲周又東北過順德府鉅鹿縣

一卷

十五

東又北過堂陽縣即今真定之新河縣又東北過扶
柳縣北又東過信都縣西扶柳即冀州地有扶柳城
在冀西漢置縣冀州即漢信都縣也又東北過下博
縣即今深州地又東北過河間阜城縣北又東經建
成縣故城南建成城在獻縣界內又東北過章武縣
即今鹽山縣有章武城在西北漢置今廢又順天之
霸州亦章武地又東北過平舒縣南入海霸州之大
城縣即漢平舒縣也按漳水漢初猶入河至周定王
後河日東徙去漳益遠而後漳自入海至今則有東

昌館陶縣入衛河以達於海矣

恒水○出北直隸真定府恒山北谷西南流至唐縣界
入滏水合流至保定府安州高陽縣入易水又蔡傳
云入於滋水今有滋河在忻州西南三十里至州境
與沙河合在州東南入易水滋河發源於山西放回
山經真定府無極縣入保定府祁州界又衡水即衛
漳水也亦與恒水相近

衛水○蔡傳云出常山郡靈壽縣東北即今北直隸真

定府靈壽縣北河在縣東北一十里俗呼為雷溝河

一卷

東入澤沱今考衛水發源於河南衛輝府之輝縣西
北七里蕪門山一名百門山又名蕪嶺東北流經新
鄉汲縣東北合淇水入千堤口又東北經北直隸大
名府之濬縣又東過魏縣至府治南又東北過山東
東昌府館陶縣漢名屯氏河隋疎為永濟渠亦曰御
河又東至臨清州又東北過德州入北直隸河間府
故城縣界又東至吳橋東光縣境又東至景州過交
河縣至滄州西北流入青縣界又東北至天津直沽
入于海此今之衛河也按地志衛輝之輝縣與真定

之靈壽縣相去十有餘里在靈壽者與濇沱相近在輝縣者則自大名經河間至天津方與濇沱相合南北大相懸絕而水之大小亦彼此殊異似難強合意禹貢之衛水非此水也記此以備考

維水○出瑯琊郡箕縣箕屋山箕縣即青州府莒州

也又東北經諸縣西即今諸城縣也又北過平昌縣東今安丘縣西南六十里有平昌故城即漢舊縣也又東北經姑幕縣東乃薄姑氏之國即今博興縣也又北過高密縣西高密即今萊州府高密縣又北過

一卷

濇于縣東濇于即今青州府壽光縣古夏后氏之斟灌國周武王封濇于公故曰濇于又東北經都昌縣即今昌邑縣又東北過濇縣東北入于海韓信囊沙壅濇水即此

淄水○出泰山郡萊蕪縣原山之陰萊蕪即今濟南府泰安州萊蕪縣也原山又名岳陽山東北流經萊蕪谷即春秋時夾谷之地齊人使萊夷以兵劫魯侯即此又東北過青州府臨淄縣東城臨淄水故曰臨淄又東過廣饒縣即今之樂安縣又東北至利縣東利

縣即今之博興縣地有古利城在縣東南四十里博興漢博昌縣也又東北與時水渰水合時水一名形左傳齊晉盟于形是也地理風俗志曰淄入濡濡亦作形魯仲連謂田單聘乎淄渰之間淮南子謂易牙嘗淄渰而別之又東北至壽光縣入濟水經謂東北入于海與此不合

漂水○地志曰漂水出東郡東武陽縣即今東昌府朝城縣河之支流也漂水上承河水於武陽縣東北經東昌之博平縣又東過高塘縣即今濟南府之章丘

一卷

縣過漢徵君伏生墓南又東北經鄒平縣北至千乘縣入海千乘即今青州府之樂安縣也今涸

沂水○出泰山郡蓋縣艾山艾山在蒙陰縣西北沂水縣東南鄭玄云沂水出沂山又云出臨樂山考之地志乃出雕崖山雕崖山在沂水縣西北一百九十里似為近之然沂水發源不一合而成川又東經浮來山春秋魯隱公時莒人盟于浮來即此一名公來又名浮丘又東南經東安故城東城在沂水縣南五十里又南過臨沂縣東今兗州府沂州有臨沂故城在